

**Tuluit oqaasii allamiut oqaasiini sallahsatut atuutsinneqariartornissaannut, aammalu danskit oqaasii atuartitsinermi oqaatsit pinngitsooranilu atuartitsissutissatut atorunnaarsinneqariartornissaannut Naalakkersuisut iliuusissanik pilersaarusiornissamut peqquneqarnissaannik Inatsisartut aalajangiiffigisassaattut siunnersuut.**

(Inatsisartunut ilaasortaq Jens NapätôK', Naleraq)

### **Aappassaaneerpeqarnera**

Siullermeerinninnermi siunnersuuteqartoq Jens NapätôK', Naleraq, siunnersuutaanut tamakkiisumik Naleqqammit siunnersuummut tapersiinerput tusartereernikuuarput, Naleqqamiillu siunnersuummut tassunga isummagut oqaatigerusutagullu anngunniullutigit, siunnersuut ataatsimiititaliamut susassaqartumut ingerlateqqinnikuuarput, ataatsimiititaliami tassani Naalakkersuisut allannguutissatut siunnersuutaat Naleqqamiit ilaatigut naaperiassutiginiarlutigu.

Naleqqamiit siullermeerinnermi oqaatigeriigarput naqissuserlutigu oqaatigeqqissuarput, tassa kalaallit oqaasiit sutigit tamatigut sallahsaajuaannarnissaat atugaaajuaannarnissaallu soorunami aamma atajuaannarnissaat pingaarnepaarpaatut inissisimaffigatsigit illersortuagassaralutigillu.

Tamanna aamma erseqqeqqissaartumi Naleqqami partiitut sineriapput taamaat eqqarsaatigalugu anguniakkatta tunngaviit tallimaasut akornani allaqqavoq tassaasoq: Oqaatsivut kinaassuserpullu, inuiattut oqaatsivut kinaassuserpullu nunatsinni sutigit tamatigut salliunneqassapput.

Naleqqamiillu ilaatigut aamma tuluit oqaasiini inatsimmi taamatut allanngortiterineq pillugu oqaasileriffiup oqaasii qiviaqattaarsimavai, oqaasileriffiummi tikkuarpaa kalaallit oqaatsitta attatiinnarneqarnissaannut mianersorfissaqartoq, erseqqissaatigalugulu kalaallit oqaasiisa atugaaneranni tassa tuluit oqaasiisa ingerlaannartumik atuutsilerneqarnerat tamatumunngalu peqatigitillugu danskit oqaasinik atorunnaarsitsineq kalaallit oqaasiini sanngiillisitsissinnaasoq, ilanngullugu oqaasileriffiup oqaatigaa tuluit oqaasii kalaallit oqaasiisa atuuffigisariaqagaanni ineriartornerannut inissisimanerannullu annertuutigit kingunerluuteqarsinnaasoq,

Naleqqamiit oqaatigineqartut nalilersorsimavagut, nunarsuarmioqataajartornerput annertusiartuinnartoq aammalu tusaaneqariartuinnarnerput annertusiartuinnartoq



malitsigalugit Naleqqami siunnersuuteqartup takusinnaalersimavaa allannguinermi kinguneqartariaqalersimavoq, nunarsuarmioqataajartornerput sukkasuumik siuariartorpoq ilaatigut meerartatta taamaalilluta katakkaluttuinnarluta pivaatigut, nunatsinni kikkut suullu tamaasa malinnaatinneqartariaqarput katataqannginniassagatta, taamaalilluta tamakku ilaatigut tunngavigalugit Naalackersuisut allannguutissatut siunnersuutaat Naleqqamiit naaperiarsimallutigu, nalunnginnatsigu upperalutigullu iliuusissatut pilersaarusiordermi Naleqqap siunnersuummini anguniagai ilanngullugit pilersaarusiorderfigineqassasut.

Siunnersuuteqartup aamma nammineerluni siullermeernerani tunngavilersuinermini oqaatigereerpaa kalaallit oqaatsivut sallahsatut inissisimassasut allannguinerli pisariaqartoq, taamaammat Naleqqamiit ataatsimititaliaq ataatsimoortoq Naalackersuisut allannguutissatut siunnersuutaat akuerineqarnnissaannut inassuteqaataat akuersilluta Naleqqamiit taaseqataaffigissavarput, sinnersuuteqartoq angusarni pilluarit aamma ataatsimiititaliaq qujanaq sulisimaneranut kiisalu Naalackersuisut suliami sulilluarnissassinni kissaassivugut.

Qujanaq